

MENAXHIMI I ASETEVE

Përshkrimi i kursit

Shumë menaxherë të shoqërive ujësjellës kanalizime sot përballen me sfiden e reduktimit të ujit pa të ardhura, ndërkohë që duhet të rrisin nivelin e shërbimit, zgjerojnë rrjetin shpërndarës për t'u përgjigjur rritjes së popullsisë, të financojnë zëvendësimin dhe mirëmbajtjen në kohë të aseteve ekzistuese, si dhe të trajtojnë ujin e ndotur.



Mënyra së si një shoqëri ujësjellës kanalizime menaxhon asetet përcakton suksesin në adresimin e këtyre sfidave.

Një shoqëri mund të përmirësojë nivelin e shërbimit, të zvogëlojë humbjet e ujit, të reduktojë kostot si dhe të justifikojë tarifat nëse e di se çfarë asetesh zotëron dhe çfarë asetesh i nevojiten, kur dhe si t'i mirëmbajë ose zëvendësojë ato, dhe si mund t'i operojë ato.

Ky kurs trajnimi trajton të gjithë elementët bazë për menaxhimin e aseteve me qëllim kryesor rritjen e ndërgjegjësimit për rëndësinë e menaxhimit të aktiveve.

Kush duhet të marrë pjesë

Ky kurs është hartuar për profesionistët e shoqërive ujësjellës kanalizime dhe është veçanërisht i vlefshëm për drejtorët e shoqërive ujësjellës kanalizime, kryeinxhinierët dhe inxhinierët, kryefinancierët dhe menaxherët.

Objektivat e kursit të trajnimit

Në fund të këtij kursi trajnimi, ju do të jeni të aftë të:

- Njihni konceptin e menaxhimit të aseteve dhe elementët kryesor të tij;
- Kuptoni rëndësinë e menaxhimit të aseteve;
- Hartoni inventarin e aseteve të shoqërisë suaj;
- Përdorni sisteme të ndryshme renditje për të vlerësuar gjendjen e aseteve;
- Njihni çfarë është një sistem i menaxhimit të aseteve dhe qëllimet e tij;
- Përcaktoni nivelin e shërbimit që shoqëria duhet të sigurojë si dhe mënyrën më efikasë për ta ofruar atë;
- Përcaktoni asetet kritike si dhe të identifikoni kostot e mundshme të dëmtimit të tyre;
- Identifikoni procedurat e përshtatshme të operimit dhe mirëmbajtjes;
- Njiheni me konceptet e menaxhimit të kostove përgjatë gjithë ciklit të jetës së aseteve;
- Identifikoni burimet financiare për financimin e programit të menaxhimit të aseteve.

Metoda e trajnimit

Trajnimi është i bazuar në leksione të prezantuara në Power Point, të ndërthura me diskutime dhe raste studimore. Përveç marrjes së leksioneve dhe diskutimeve, pjesëmarrësit do të analizojnë edhe raste konkrete studimore.

Materialet e kursit të trajnimit

Pjesëmarrësit në këtë kurs trajnimi, do të pajisen me Manualin e Trajnimit "Menaxhimi i Aseteve". Përpos kësaj, pjesëmarrësit do të pajisen me certifikatë.

Tarifa e regjistrimit

Anëtarët e SHUKALB/SHUKOS: 13,000 lekë për person

Jo-anëtarët: 16,000 lekë për person

Kjo tarifë përfshin materialet e kursit, drekat, dhe pushimet për kafe.